

沈乃文 主編

明別集叢刊 第一輯

第六十六冊

黃山書社




沈乃文 主編

明別集叢刊 第一輯

第六十六冊

黃山書社



(明)鄒賽貞 撰

士齋詩集二卷

明嘉靖三年刻本

士齋詩集序

士齋姓鄒氏為贈翰林編
修國子丞未軒濮公之配
以其子編修和仲貴封孺
人少聰慧其父贈御史都

博益軒先生教之列女傳
諸書速解冥契而又博覽
子史以含咀其菁華形諸
吟詠隨事摹寫和平莊重
見者無不竒之以為是無

愧於能言之士矣因以士
齋稱之然孺人雅自愛重
未嘗苟作惟未軒公及和
仲之嘗所往來厚善有托
而求焉者乃時作一篇應
之其稿亦多棄不錄宏其
子壻也自贈寄之外未嘗
有見焉間以為請則曰筆
札非吾職也是特纂組之
彌文烹飪之餘味耳何足

以傳諸人人耶比者太平
守傳侯希準奉其母太夫
人就養郡齋以東山愛日
十題懇孺人賦之侯以為
能寫其純孝之誠作而歎
曰郡有班姑謝娘可使之
泯沒而無傳耶命其諸孫
太學生訓錄稿閱之為繡
諸梓而以序屬宏宏嘗評
孺人之作文采絢爛若機

錦之初剪意味雋永若鼎
和之既調而其音韻鏗鏘
又若襍佩之交振蓋舉女
德婦功之懿而發之於華
賤綠翰之間使其服章逢
厠縉紳固宜掉鞅文苑為
天下奇男子而乃深處中
閨美不外見胸臆之奇殆
有無因而盡吐者昔歐陽
子序謝氏希孟之詩而歎

其不幸為女子、莫能章顯
於世、由孺人觀之、豈不信
哉、雖然玉氣為虹、劍光射
斗、物之奇者、亦豈能閔且
匿之、茲集卒賴傳侯以傳、
而不至於泯沒、則又幸矣、
孺人相未軒公、育材校藝、
各稱厥任、所至輒有賢譽、
勵和仲以學、始於髫鬣、
遂以魁士蜚英詞林、其持身

理家咸中槩、則誠女之有
士行者、士齋之稱、蓋不但
以其詩也、詩曰、惟其有之
是以似之、宏於茲集亦云
嘉靖三年歲在甲申夏四
月丙辰
賜進士及第光祿大夫柱
國少保兼
太子太保戶部尚書
武英殿大學士知

制誥

經筵官

國史

總裁子壻鉛山費宏謹序

士齋詩集卷之一

五言絕句

鷺鷥小景

鷺鷥屬玉兒飛向磯頭立秋寒雪不消點破江天碧

七言絕句

冬前見雪偶成

誰剪仙宮六出花等閒散下天涯豐年先兆冬前白茅屋翻成富貴家

月梅扇面

開時不憚雪霜多占得先春性自和王骨冰姿嫌俗汚故移清影傍銀蟾

葵花

誰擅奇根向日栽丹心一瓣絕塵埃不隨春色爭妍媚含得芳苞另自開

畫簷

寶鴨香烟繞座隅儒門清暇事無餘不應黃妳乘春倦誰謂韶韻讀書

新秋相警

郊墟時已納新涼蟋蟀鳴階夜漏長志慕三餘

經史客好親燈火待飛黃

先姑憂制中逢九日

黃花依舊遶籬開觸景傷心淚滿腮記得去年
當此日遶闌具慶酒盈面

題扇

一鳥儵然立藕塘羽衣潔白厭紅粧傷人莫作
凡禽看不是鴛鴦是鳳皇

勉子蚤起

三時農力務當春一日工夫斷在寅困倦若來
添此際終身惟恐不成人

圭齋詩集

勉子夜眠

不須鑿壁去偷光銀燭煌煌午夜長自愧蘇丸
無郢母強吟俚句戒荒唐

戲問

篤志芸窗歲月多功名消息竟如何槐花黃矣
忙歟否百尺龍門躍得麼

題菊

不共春光闌百芳自甘籬落傲風霜園林一片
蕭疎景幾朵依稀散晚香

咏子充修撰英字韻

文江喬木久知名狀選龍頭率衆英案牘不煩
經霖憲玉堂風月入懷清

依韻示女

擇對曾攀閣闕名綠窗淡處舊含英千歸喜見
宜家室琴瑟常聞在御清

和治癸丑立春日諸夫人召宴不赴以詩

答之時未軒以儒官六年會試

羅綺輝煌彩燕飛群僊勝會獨相違蓬門不是
甘蕉悴萬里鵬程人未歸

在曹寄子充修撰

圭齋詩集

久望天南過雁遲秋風姑水鰕魚肥泰山卻笑
蝸名絆曾似先生許暫歸

寄女

萬福晨興安置暇休懷衛女詠源泉綠窗贏得
乘龍貴綸綵珠裀錫絳僊

和治壬戌正月十二日逢訛兒初度有感

昏昏醉夢度流光為憶吾兒幾斷腸二十四年
前此日熊羆應屯氣皇皇

咏子充修撰韻寄詒子登第

莫道中年景象催養兒應喜占時魁春風堂上

和琴瑟玉樹門楣共偉哉

又

九載淹淹坐泮庠幾嗟人事別炎涼老處莫謂
青種冷惟喜看花有二郎

丙辰歲在京邸與子女曾適遇中妹子在

翰林良辰美景喜集門庭兒女孫枝共娛

刺布樂則樂矣然卷耳之私不無與念因

口占二絕并邀吾婿女過舍說月

九載中龍宦邸過今年團聚樂偏多晚涼月上

梧桐處共瀉金樽意若何

金樽意若何

卷一

又

銀漢無聲夜氣清良辰忽感宦遊情東山遙望

人千里想亦停杯對月明

寄馨弟寧菴官邸

燕髮常動病邊思一樹荆花本共枝傳信莫嫌

雙鯉遠衡陽殊蚤雁來時

用韻奉未軒取笑

趨機曾勉樂年思霜雪青青連理枝常憶十年

勤苦意寒窗夜雨剪燈時

用時字韵寄子

卜居常為教兒思喜折天香第一枝待得禹門
春蟄動魚龍變化正當時

戊辰年攜訓孫上京九日舟中感懷

遠挾雛孫上 帝鄉蓬窗寒落度重陽買糕沽

酒尋常事憶盡東籬滿把香

又

極目京華認故鄉板輿曾此翫春陽而今惟喜

仙郎貴鞠酒重今 殿陞香

遣訓孫從學而祖舊寅喬助教

讀書勉爾趨青年詩禮傳家不偶欲模範有緣

金樽意若何

卷一

敦世講琢磨從此望精研

甲戌歲九月二十四日誕曾孫承公輔弟

以先父生子時誌喜詩韵來賀遂依韻奉

答

擁閭喬木發新槎祥應曾孫喜滿家衮衮簪裘

綿世業養成能看上林花

又

紫荆從見發枯槎百歲孫曾倚外家一脉源流

通宅相依依猶似向陽花

又

孤矢相輝掛曉檣，驚天喜到吾家善門。自是來餘慶，茁茁如添錦上花。

清閨八詠和朱軒韻

讀續交修

芸窗頻對聖賢時，麻杲殷勤也共期。淺陋豈能當內助，匏宣清苦敢相規。

賡酬適趣

孟光敬事堪追舉，案功餘更酬詩遙相關。昨當日興鼓鍾琴瑟樂相隨。

燈下課子

曲曲闌干月上遲，膽丸資苦夜深時。少年能致青雲路，贏得人傳跨黿兒。

座隅訓女

秀毓閨門深一隅，好親古典鑒賢愚。中王未許歸凡子，願藉金屏選士夫。

翠屏討史

篆煙縈繞畫屏時，考古知今賸有資。勿論興衰千載事，眼前忠孝即吾師。

朱蕪鼓琴

低垂簾箔畫窗沉，靜聽陽春白雪聲。好合閨門

良有倚清風，穆穆正娛情。

講餘啜茗

茶煙出戶好，風篁閒暇近。幃樂有餘下，講堂來清啜。罷六經疑奧，更躊躇。

校文歸話

帳下青衿相待久，歲餘功業在寒冬。歸來莫說儒官冷，三省人傳道學宗。

代龍兒和陳禹學春字韵

幸託交情與鳳麟，胸中理趣一團春。他年雲路能相約，不負通家好故人。

又

欲為明時現瑞麟，園中莢李未逢春。請看振玉金門客，多是齏鹽白屋人。

又

君家兄弟總麒麟，吹動埙篪自有春。待得禹門砥浪暖，龍頭爭看奪標人。

立春日子充閣老書報 恩賜玉帶

玉帶生花出帝家，新恩喜報下天涯。春風門巷知多少，昨夜先來上燭花。

小東山

層巖擁秀郡齋東彷彿蓬瀛勝界同 仁孝黃
堂事 賢母願朋三壽聽呼嵩

東山夢日十詠

視民亭

宣化群黎德意長萬家襦袴誦殷揚清懷一勺
姑溪水龜鶴相依壽北堂

梅

七日抵根暖獨回百花頭上一枝開實成看取
調羹日列鼎榮親上壽臺

桃

花開自是瑤池種獻實曾傳漢帝家千歲祥光
呈壽域金章耿耿照流霞

延翠亭

冉冉天涯一色蒼密雲千頃護琳琅生香不斷
真仙境綵舞聯翩進壽觴

荷花池

獨愛瀛溪久著名清香一郡樂生生壽堂怡悅
西湖景綠蓋紅幢照眼明

棗

繁繁紅玉燦朝霞僊種由來席上許榮樂兒孫

稱壽孝安期巨實大如瓜

菊

拂拂穠風香滿庭壽筵忻指綠釧金清英吐露
釀春酒次第賡歌慰德音

竹

清風隱隱動琅玕直節虛心幾歲寒賸有清香
名壽酒高堂日日報平安

松

鬱鬱真姿冒雪馨千年勁節樹青冥僊人啖實
增長壽更有靈根胤伏苓

萱

退食公庭喜奉菱北堂遺愛繼周南 天邊雨
露榮慈壽化日熙熙酒正酣

士齋詩集卷之一

上齋詩集卷之二

五言律詩

病中蘇子充贊善韻

減圍嗟病體無意理絲繾披褐窗前坐移晷膝
上掀久忘糜肉味惟喜菜根甜香燼金爐處童
孫代手拈

官邸寄妹

封緘憑雁寄多病尚纏綿寒栗侵肌玉冰蓬亂
鬢蟬鄉書猶未達肉骨自相牽何日歸寧處燃
燈話少年

勉訖兒讀書戒酒

世澤承清白兒郎正少年趨庭詩克肖窮理責
精研莫飲下坡酒宜撐上水船床頭無物遺經
史是家傳

除夕感懷

舉筆誦琳篇光陰萬象鮮和絃清舊曲晚景度
新年霜鬢隨時改天葩近日妍泉源鄉國意應
在白雲邊

郁秀才風木哀情

維揚推望族武弁接文纓汗馬功勳舊篇謨手

澤明風雲環墓木霜露惕心旌翼子成均產鵬
搏萬里程

七言律詩

春日迷懷

遲遲日影上簾鉤百種新愁掛念頭午睡易驚
鄉夢遠春暉難報寸心柔芸窗燈火常當夕鵬
路風雲未遇煠身病消容尤可恨菱花照處自
堪羞

別父

瀟瀟疎雨浥輕塵送別嚴親倍愴神玉愛情懷

千里隔文明教鐸一番新閨門素戒重加誨祖
道榮行又問津後夜相思知有在倚樓頻望月
如輪

病中寄弟

厭厭兩月病方瘳臥枕眠床萬倍憂弱息可勝
懷祿抱微軀恍若夢莊周家鄉風景心偏切屯
剝年來困未休幾欲寄音親骨肉幸逢征雁過
南州

輓姑夫婦繼歿

三十年來恩愛深想從連理誓山盟成家有賴

期偕老賦命無緣愧獸生千里親情常入夢一
聞哀訃淚如傾懸知異日歸寧處祇向西風一
奠清

輓伊仲廣秀才妻 仲廣後登第

婦道雍雅美淑人俄驚遽疾返幽冥雲迷夜月
猿聲咽花落西風蝶夢經姑室何由追影響母
家無復望歸寧鼓盆痛切芸窗客還擬登瀛列
汗青

寄樊孺人 先父舊作

一別常山二十霜喜聞康健在高堂栢舟歌處

真心古熊膽丸成桂子芳願祝遐齡同雀算好
將春酒泛霞觴悠悠衢水雲程隔聊寫新詩寄
意長

和簾字韵勉子

窗外無風動竹簾好將經史案頭拈放心未解
甘勤苦投足嘗因觸怒炎錦繡羸餘非可慕蓬
鹽澹泊豈容嫌舅家清白流芳久望爾成人喜
更添

父母以詩召婿女還鄉賡韻奉答

雙親別我數季餘多少愁懷未可舒并日晨昏

惟在已家園南北未成居舅姑甘旨三炊粟夫
婿生涯數卷書千里鄉關歸便得題橋應欲共
相如

韶兒從學舅氏未軒省父南歸予攜幼子
女居京邸作詩寄之

長子南游數月餘况君別後更躊躇消容怕覽
奩前鏡遣悶閒看架上書侍女斷壺勤和鬻
兒拋食厭無魚清貧固可平生意忘卻離愁樂
自如

輓普婦

秀毓高門邁等倫結縭曾羨配儒紳舅姑堂上
勤甘旨主婦齋中潔藻蘋朱紫光榮期有日瑟
琴和樂自生春何堪竟墮黃梁夢月落烏啼倍
愴神

蘇父悼菊韻

塵事無關祇種花滿庭奇卉似僊家恩露愛最
水兼玉道與心孚鸞伴霞問疾幾興天欲曉知
年常怕歲將賒畱賓莫歎無金賣一脉書香重
世詩

用前簾字韻呈未軒

日過書窗便捲簾。鴨爐香燼手重拈。自知解氣如春暖。更覺清心耐夏炎。義理精微宜苦究。世情僥倖也堪嫌。笑談莫把工夫廢。堂上嚴親髮雪添。

丙午歲冬蘇子充舉人韻

良緣天合自相逢。邂逅聯姻喜動容。譽重鄉評聞誇竈。愛鍾閨秀羨來龍。車書渾作胷中玉。天祿還占腹上松。弱息共調琴瑟處。愧無林下謝娘風。

又

簪纓曾是舊家門。射中金屏喜自捫。幸托菲葑諧伉儷。敢期冰愆陰兒孫。雁鳴旭日成嘉會。臘唱春風沐寵恩。偏勝韋郎須我識。少年聲價溢乾坤。

和子充韵勉訖兒讀書

自古犁鋤出上卿。一經教子效蜚英。常將一念留方寸。未許千金遺滿籬。姓字欲期書汗簡。青年須苦對寒檠。試看佳倩人龍貴。霄漢明光燭綬纓。

王家婦乃淞之常山詩禮巨族毛氏女也

予嘗從先人司教邑庠。頗記其由。而毛氏以富戶居京。女適王氏。家器而家君子。亦因宦處京師。二十餘年。與王氏昆仲道義金蘭。實相契合。不幸王氏子蚤亡。毛氏攜劣祖女守義。予以客館婦家。偶得相接。因各述父子之來。遂認為故舊。噫。予自常山已三十稔。今遇冢婦。而話舊豈不為奇。會哉。臨別。問愧無為贖。特作鄙辭。以堅其志。於歲人生世間。允為夫婦者。孰不願偕老。齊眉耶。願賦命之修短。何如。視彼截髮投

崖而無後者。徒壞生以取義也。又豈若冢婦之有子女。以續祀。完生業而守義哉。因勉之。

女在振子子尚癡。佳人尤况少年時。朱絃偶斷陽春曲。羅帳難回燕婉思。剔目誓為萬里約。傷心宜誦栢舟詩。人生契濶偏成恨。感此寧堪不淚垂。

戊申歲在曹值韶子生晨寄此

盛年欣我毓麟兒。五五逢今初度時。春酒遠違庭下彩。飛蓬新見鏡中絲。青編燈火休辭倦。黃

甲功名莫放遲來歲秋風振雲翰廣寒宮開會佳期

寄韶兒

軒母三遷之遠謀養兒惟望至公侯明開杏苑還克使久滯荆州莫倚樓天若無私時自遇人能有志願終酬渾知朝暮門間竟添入年華兩鬢殊

勉韶兒

年以光陰莫自寬詩書因解滿床攤肯將燕石懷中寶惟喜驪珠掌上看筆食可知顏子樂溫袍誰笑仲由寒書香一派能相繼贏得時人羨二難

聞婦有熊羆之兆癸丑春闈父子同入故有期望之意

自喜今年好夢頻應知蘭第產麒麟祖宗陰陽來餘慶父子穀華鵲縉紳攀桂已均僊府宴戴花還醉曲江春泥金得報登科訊用合嘉猷作評臣

寄靈壽鄭景明妻

從親少日仕嵩陽曾處閨門接孟光三十餘年

成繼繼八旬高壽喜康疆哦松二子榮天祿戲彩諸孫遶畫堂我亦青瑣共華髮陰陰玉樹煥

龍章

蘇子充修撰韻

雙鯉傳書度遠川異鄉砧葛又經年飄風泮水蘋應薦晚節踈籬菊正鮮病態誰憐懸骨肉清時豈久臥林泉重來敘我天倫樂風月平分入短篇

春日有感

光陰花柳蕪泥融千夢縹緲思未窮兒女紅顏

家自立慈親白髮信難通老夫衣綻縫子線勿子難穿紉指工碌碌半生中饋主青氈贏得舊家風

韶子遠違兼婦室孫枝無此寄此

遠列雙親二載餘悠悠常自倚門間鶯啼喬木三春景雁過南樓幾度書伐桂不期忻自若夢蘭無此竟何如歸鞍擬在黃花候一道光風迓板輿

乙卯歲冬寄韶子會試

常思教子十年前燈火連宵對簡編黃嬭乘春